

اداره خانه

باب عالی جاده سنده دائره مخصوصه

آبونه سرائطی

ممالك عثمانیه ده سنه لکی (۶۵)، التي
آیلغی (۴۵) غروشدرد. ممالك اجنبیه ده
سنه لکی (۱۷)، آلتی آیلغی (۹) قرانقدرد.
[ایضاحات: نسخه سی الی پاره، آلتی
آیلغی بر جلد، هر جلد ۲۶ نسخه در.]

اخطارات

§ آبونه بدلی پشیندرد.
§ آدرس تبدیلنده قرق پاره لک
پول کوندرملی در.
§ مسلكه موافق آثار مع المصنویه
قبول اولنور. درج ایدیلمه یین یازیلار
اعاده اولونماز.

کتابخانه

۱۳۳۰ ۱۳۳۱

دینی، علمی، ادبی، سیاسی هفته لک مجموعه اسلامییه در

اخطارات

رساله مزردن آلتدیغی کوسترلک شرطیه
بتون یازیلار هر هانکی بر غزته طرفندن
اقتباس اولونه بیلیر.

§

مکتوبلرک، امضالرک واضح و اوقوناقلی
اولمسی و آبونه صره نومروسنی محتوی
بولونمسی؛

§

ممالك اجنبیه ایچون آبونه اولانلرک
آدرس لرینک فرانسزجه سی ده یازلمسی؛

§

پاره کوندردیکی زمان نه یه دائر اولدیغنک
واضحاً بیلدیرلمسی رجا اولنور.

«کنزالحکم» مؤلفی یوز باشی حافظ ابراهیم افندی دن آلدیغمز آتیده کی مکتوبی کمال ممنونیتله درج ایلدورز :

سبیل الرشاد صبریه اسلامیه سی صبریه

محترم افندی،

اقرادن، اودادن، پای تحت غزنه لرینی توسطله حیات وشهادتیه دائر یئلردن معلومات صحیحیه طلب و نیاز ایدنر اولدینی بکون دویدم. نه کیزله بهیم، شو خبری بر بشارت کیی تقی ایدره رک سویندم. لطفاً محترم جریده کیزله اعلان ایدیکیزکه، بر جلوه خدا اولارق، ایشته بن، صاعم !

افولمه فرط محبت ومودتلی دولایسیله مرثیه خوان اولان حقوقپوران اخوان وخویشانه عن صمیم البال بیان تشکرات ایدر وشو وسیله ایله ده نوجوات قیمتداریلرینی استدامه ایله رم.

بشکطاشلی : یوز باشی

صوفیه

حافظ ابراهیم

تشیون

دار الخلافه :

عموم هنرستان هبنتک عودنی . — حرب اخیر مناسبتیه عثمانلی هلال احمرینه معاونتده بولنق اوزره بدایت مخاصماتده درسعادتیه کلهرک اوزماندن بری متادی بر سعی سایه سنده کرک هندیه (عمرلی) ده وکرک چناق قلمده خدمات مبروره ایفاسنه موفق اولان دو قنور احمد مختار الضاری بکک تحت ریاستنده کی هیئت طیبیه پنجشنبه کونی رومانییا واپوریه هندستانه عزیمت ایتمشدر . هیئت مشارالیه هلال احمر رؤسا واعضاسندن بر چوق ذوات وداخلیه ناظری طرفندن واپوره قدر تشییع ایدیلشدر .

رومانیا :

کوشنج جامع شریفنک رسم کشاری . — کوستجه ده رومانییا قرالی برنجی شارل حضرتتلی طرفندن انشا اولونان جامع شریفنک اولکی جمعه کونی اجرا اولونان رسم کشادنده حاضر بولنق اوزره دولة الخلافه طرفندن مرخص صفتیه مشاهیر فضالان محمود اسعد افندی حضرتتلینک عزیمتلی اوزرینه رومانییا اهالی اسلامیه سی فوق العاده احترامات مخصوصده بولونقلری کی ، رومانییا قرال وقرالیچه سی حضرتاتی ده صمیمی توجهلر ابراز بیورمشلردر . یوم مذکورده جامع شریفنک رسم کشادنده رومانییا قرال وقرالیچه حضرتاتی ده بالذات جامع شریفده حاضر بولونهرق صلاة جمعه نک مبدأندن منتهاسنه قدر کمال خشوع ایله قائماً انتظار بیورمشلر ؛ ختام صلاقی متعاقب خلیفه اسلامیان حضرتتلینک وکیلی محمود اسعد افندی حضرتتلی طرفندن

قرال وقرالیچه حضرتانه قارشی فرانسه زجه برنطق بلیغ ایراد بیورلش، رومانییا اسلاملرینک احتیاجات دینیله لرینی نظر دقته آلدیغندن طولایی مشارالیه قرال وقرالیچه حضرتتلینک خلیفه مسلمین حضرتتلیله بوتون عالم اسلامک محظوظیت و ممنونیتی عرض اولمشدر . اهالی اسلامیه به خطاباً مشارالیه محمود اسعد افندی حضرتتلی طرفندن ایراد بیوریلان نطقده ده کنیدلرینک حقوق دینیله لرینه مراعاة ایدن و احتیاجات دینیله لرینی بالخاصه نظر دقته آلان و بخصوصده ابراز معاوت بیوران بر حکمداره مالکیتلرندن طولایی رومانییا مسلمانلرینی تبریک ایلشلردر .

تورکستان :

براسلام زینکینک صحنی . — تورکستانده منتشر « تورکستان ولایتی غزنه سی » نمکدان شهری قیرغیز اغنیاسندن پای مشرب پای اوغلنک ایکی یوز الی بیک روبله صرفیه شهر مذکورده بر مدرسه بنا ایتدیردیکنی و بر مدرسه نک مصارفی تأمین ایتک اوزره شهری اوج بیک روبله کتیره بیهجک عقارات انشا ایتدیره جکنی یازیور .

کاشغر جمعیت فیریه سی . — کاشغر اسلاملری پکین جمعیت خیریه سی سیستمنده بر جمعیت خیریه تأسیس ایلشلردر . جمعیتک آریجه بر کتبخانه سی ایله بر قراخوانه سی وارد . شمعی جمعیت مذکورده بر مطبعه تأسیسنه تشبث ایلشدر . بواشک باشنده معتبران محلیدن عبد القادر عبدالورائی افندی بولنیور .

بخارا :

لزو مسر اسرافات . — « وقت » غزنه سنک بخارا مخبر مخصوص . سنک اشعاراته نظراً بخارا صدر اعظمی اولان قوش بکنک غایت اسرافلی دو کوننی قاضی کلان بقا خواجه نک دو کونی تعقیب ایلشدر . قاضی کلان بو دو کون مناسبتیه حرم امیری کبار نسوانه ایکی میلیون بخارا تنکسی قیمتنده هدایا تقدیم ایلدیکنی کی بالذات امیره بر میلیون تنک قیمتنده بر لباس فاخر تقدیم ایلشدر . دیگر مصارفده بوکا کوره اولمشدر .

قافقاسیا :

عوام تدریسات . — باکوده عوامی علوم وفنوندن ، حادثات سیاسییه واجتماعیه دن خبردار ایتک اوزره سیاسی ، اجتماعی ، اقتصادی وفنی موضوعلره متعلق درسلر ویربله به تشبث اولونمش ایسه ده ؛ بو خصوصده مسلمانلرک احوال روحیه لری نظر اعتباره التمسین محل تدریسات تیار و صحنه لری اختیار ایدلدیکندن مقصد تلقین لایقیه ایفا اولد، مامش ؛ بناءً علیه اخیراً « عوام مخصوص خطابه جمعیتی » نامیه مساجد وجوامع شریفده ایتای تدیساته مجبوریت حاصل اولدینی اکلشده شدر .

اسویچره :

ترقی اسلام جمعیتی . — جنوه ده ، بین المسلمین رابطه اخوتی تقویه اساسنه مستند و « ترقی اسلام جمعیتی » نامیه بر جمعیت تشکل

مهر بر نسبت اقتصادی :

اسلام تجارتگاهلری و ارباب صنایعی فهرستی

دارالخلافه ده کی بتون اسلام تجارتگاهلری ، مغازه لری ، اسلام ارباب صنایعی ، اسلام شرکتلری و مؤسساتی - الک کوچک دکان و اوسته یه و انجیه قدر - محتوی اولمق اوزره بیسوک بر فهرست (قاتالوغ) ترتیب و نشر ایتمک ایسته یورز . بتون اسلام تجارتگاه و مغازه صاحب لری ، ارباب صنایع و شرکت مدیر لری آدرس لری ، اشتغال ایستک لری تجارت و صنعتک نوعی اداره خانه مزه واضحاً بیلدیرملری رجا اولنور .

نصارایه قارشی خطبه لر

اخوان دینک معاونتیه ایکنجی و اوچنجی خطبه لرده رساله شکلنده باصیله رق لازم کلن برلره توزیع اولوندی و اولونیور . مسلمانلرک بویله حریت پرورانه بر صورتده و کمال نزا کتله مقابله لری ، فدا کارلقلری ؛ میسیونرلک عالمی تلاشه دوشورمش اولدینی موثوقاً خبر آلمشدر . مسلمانلق ؛ آجیق آلله ، منطقک ، فلسفه نک ، علمک ، حاصلی هر شیئک حضورنده خرسیتیانقله مباحثیه هر زمان حاضر در . ایسترسه علمای خرسیتیانیه بویوک بر مجلس مباحثه تشکیل ایدرک مباحثات شفاهی ده بولونمغه ده اسلام علماسی آماده در . دیگر خطبه لرک ده رساله شکلنده باصیلیمسی ایچون وعد معاونت بیوران قارئین کرام حضراتنه بالخاصه تشکرلر اولنور .

تشکر

انا طولی سیار مخبر مخصوصن عمر فواد بک کیتدیکی برلرده . از جمله بروسه ده ، قره جه بکده ، کرماسق ده کرک قارئین قدیمه من طرفندن ، کرک یکیدن جریده مزه اشتراک بیوران مسلمان قارداشلر من طرفندن بک صمیمی التفات و توجهلره مظهر اولدینی خصوصی بر مکتوبنده بر لسان منت و ممنونیتله بیان ایدیور . بو توجهلر بزی ده متدار ایشدر . کرک مخبر من ، کرک جریده من حقنده لطفاً بذل التفات بیوران محترم مسلمان قارداشلر مزه عظیم تشکرلر ایدرز .

مخبره علیه

موشده شیخ شمس الدین و یوسف افندیله - تلغرافنامه کز داخلیه نظارتنه تقدیم اولوندی . مشروع اولان بر حق البته احقاق اولنور .

اشرف ارباب

سلانیک مطبعه سی

ایشدر . جمعیت مذکورده نک الشعب غزته سنده کورولن بیاننامه نک صورت مترجمه سی در :

« یا معشر المسلمین ، دعوت الیهیه اجابت ایدیکز . ارضک شرق و غربنده اسلامیت و مسلمینک بو کونکی حال و شانندن خبردار میسکز ؟ اول اسلامیت که بر وقتلر چار اقطار عالمده بوتون احتشام و عظمتیه شعشه یاش اولمش و بو کونکی اهل اسلامک اسلاف کرامی اولان متقدمینک هم خدایسندانه سیله کله علیاسی انقطاع قبول ایتمز عکسلر پیدا ایله مشدی . اوت عزت علم ایله هر حال و کارده حائز نصاب کمال اولان او اسکی مسلمانلر اخلاقی اولان بو کونکیلر ایسه جهل و مسکنت ایچنده حیران ، و سرکردن اولوب قالمشدر . اعدای اسلام بو مسکنتدن یوز بوله رق انک نهایت اسلامیتک حصصینی اولان دولة الخلافیه دخی دست تعرضلری اوزاتیور و اخوان دینکیزک مقدساتنه ، عرضلرینه تجاوز ایدیورلر . ایش بوراده یه ککش ایکن دولة الخلافیه بذل معاونت هر بر مسلم اوزرینه فرض عین اولیور . دولت علیه عثمانیه الجا آت احوال ایله بر استقر اض داخلیه مراجعت ایتمکده در . بو امر خیره ، بو وجیه دینییه ایفایه اشتراک ایتمک ایسته ینلر اسلامیت و مسلمانلرک جهت ادبیه و اقتصادی دن ترقیلری تأمین ایتمک اوزره جنوده تشکل ایش اولان جمعیت مزه اشعار کیفیت ایله سونلر ؛ آدره سمنز بودر :

« اشته بزسرلری فی سبیل اه اتفاقه دعوت ایدیورز . دعوت مزه اجابتله نائل احر و مثوبات اوله جق و عین زمانده و یریه جک پاره یی و عسده سی حلوننده مع زیاده استیفا ایله یه جکسکز . . . »

هندستان :

هندستان مسلمانلر ندره انکابیزلرک فوئوقولامسی . -

انکلتزه حکومتی هند مسلمانلر ندره کورولن حرکات حیثکارانه اخیره سبیله شبهه لنمکه باشلامشدر . هندستاندن کلن غزته لرک اخبارینه کوره حکومت ، هندستانده حکومت عیننه بر حرکت وقوع بولدینی تقدیرده مسلمانلر ده بو حرکت اشتراک ایده مکنندن شبهه ایدیورمش . بوسبیله اجتماعلره فوق العاده دقت ایدیلیمسیچون مأمورین عاذه سنه تعالیمات و اوامر مخصوصه ویراشدر .

تونس :

تونس اسلام قانونلری قالفیور . - فرانسزلر تونسسه

یرلشدکلری حالده مملکتک قوانین سابقه سنی تبدیل ایتمه مشلر ایدی . یرلیره عائد بالجمله دعاوی شریعت اسلامییه بناء رؤیت ایدلمکده و بعض بیوک و آغیر دعوالر بک یاخود وکیل طرفندن فصل اولنمغه ایدی . یارسدن (فوسیسه جایتونخ) ه اشعار اولندیغنه نظراً فرانسه خارجییه ناظری (پیشون) طرفندن تونسده کی فرانسه حکومتی وکیل عمومیسی (آلاپه نیت) ه خطاباً نشر اولنان بر امر نامه ده یرلیرک فرانسز قوانینی نمونه اتخاذ اولنه رق یکی بر قانون جزایه توفیقاً محاکمه ایدلمسی امر ایدلمشدر .